

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaliuinermi iliuusissat pillugit Inatsisartut inatsisaat nr. 14, 26. maj 2010-meersoq

Kapitali 1

Aalajangersakkat aallarniutaasut

§ 1. Kommunit annaassiniarnissamut upalungaarsimasuutitanik pilersitsissapput, taakkua suliassarissalugu ajutoornerni ajunaarnersuarnilu, imaluunniit taamaattoqarnissaanik annertuumik aarlerinartorsiornermi inuit, pigisat avatangiisillu ajoqusemnissaannik pitsaliuinissaq, killilersimaartitsinissaq ikorsiinissarlu. Annaassiniarnissamut upalungaarsimasuutitat suliassat oqartussanit allanit isumagineqartussat suliassarinngilaat.

Imm. 2. Naalakkersuisut nuna upalungaarsimasuutitaqarfimmut ataatsimut imaluunniit arlalinnut aggulussinnaavaat.

Imm. 3. Upalungaarsimasut annertussusissaat pillugit Naalakkersuisut aalajangersaasinnaapput.

§ 2. Naalakkersuisut annaassiniarnissamut upalungaarsimasunik nakkutilliisuupput, tamannalu pillugu maleruagassanik annertunerusunik aalajangersaasinnaallutik, taakkununngalu ilaalluni annaassiniarnissamut upalungaarsimasut misiligummik kalerrisaarneqartarnissaat.

Kapitali 2

Kalaallit Nunaata upalungaarsimanermut Ataatsimiititaliaa aamma kommunit upalungaarsimanermut Ataatsimiititaliai

§ 3. Upalungaarsimanermut Ataatsimiititaliamik, Kalaallit Nunaanni upalungaarsimaneq pillugu apeqqutinut tunngatillugu Naalakkersuisunut siunnersuisartussamik Naalakkersuisut pilersitsissapput.

Imm. 2. Upalungaarsimanermut Ataatsimiititaliaq Kalaallit Nunaanni upalungaarsimanissamut pilersaarusiussaaq, taannalu Naalakkersuisunit akuerineqassaaq.

Imm. 3. Annertuunik ajutoortoqartillugu ajunaarnersuaqartilluguluunniit, imaluunniit pisariaqartitsisoqartillugu Upalungaarsimanermut Ataatsimiititaliaq aggersarneqartassaaq. Siulittaasup imaluunniit siulittaasup tullersortaata upalungaarsimanermut Ataatsimiititaliap sulinera aallartitissinnaavaa.

Imm. 4. Upalungaarsimanermut Ataatsimiititaliaq Naalakkersuisunut Naalagaaffimmilu oqartussaasunut paassisutissiinermi tunngavissanik tamakkiisunik pissarsiartassaaq, aammalu upalungaarsimanermut pilersaarut naapertorlugu oqartussaasut akuliutsinneqartut suliassaat ataqtigiiissittassallugit.

Imm. 5. Upalungaarsimanermut Ataatsimiititaliaq upalungaarsimanermut pilersaarutip misilinneqarnissaa iluarsineqarnissaalu siunertaralugu akuttunngitsumik sungiusartitsisassaaq, kiisalu pikkorissartitsinernut naleqquttunut peqataasassalluni.

§ 4. Upalungaarsimanermut Ataatsimiititaliaq 7-inik ilaasortaqarpoq aammalu marluk aalajangiisinnaanatik peqataasartussatut toqqarneqassapput. Ilaasortat marluk Naalakkersuisunit toqqarneqassapput, kiisalu KANUKOKA, Nakorsaq Peqqinnissakkut Nakkutilliisoq, Kalaallit Nunaanni Politimesteri, Grønlands Kommando aamma Kalaallit Nunaanni Rigsombudsmandi tamarmik immikkut ilaasortassamik ataatsimik toqqaassapput. Avatangiisinut peqqissutsimullu naalakkersuinikkut akisussaasut tamarmik immikkut ataatsimik aalajangiisinnaanani peqataatinneqartussamik toqqaassapput.

Imm. 2. Upalungaarsimanissamut Naalakkersuisup upalungaarsimanissamut ataatsimiititaliap siulittaasua toqqassavaa. KANUKOKA-p ataatsimiititaliami siulittaasup tullia toqqassavaa.

Imm. 3. Upalungaarsimanissamut ataatsimiititaliap sulinerani aningaasartuutit tamarmik Naalakkersuisunit akilerneqartassapput.

Kommunit upalungaarsimanissamut ataatsimiititaliai

§ 5. Kommunalbestyrelsi kommunini tamani upalungaarsimanissamut ataatsimiititaliamik kommunimi atuuttussamik pilersitsissaaq.

Imm. 2. Kommunip upalungaarsimanissamut ataatsimiititaliaa, takuuk imm. 1, 6-inik ilaasortaqarpoq, taakkunannga 4-it kommunalbestyrelsimit toqqarneqassallutik. Taakkunannga 3-it kommunalbestyrelsimi ilaasortaassapput, ilaasortaq ataaseq kommunip teknikkimut ingerlatsiviani atorfeqartuussaaq. Tamatuma saniatigut ataatsimiititaliami kommunip upalungaarsimanissamut pisortaatitaa ilaasortaassaaq aammalu ilaasortaq ataaseq Kalaallit Nunaanni Politimesterimit toqqarneqassaaq.

Kapitali 3

Annaassiniarnissamut upalungaarsimaneq

§ 6. Annaassiniarnissamut upalungaarsimaneq kommunalbestyrelsip ataani inissisimavooq.

Imm. 2. Annaassiniarnissamut upalungaarsimanerup ingerlanneqarnerata isumagineqarnissaq kommunalbestyrelsip qulakkiissavaa. Aammattaaq annaassiniarnissamut upalungaarsimasunut tunngatillugu apeqqutini tamani upalungaarsimanermut pisortap aamma inuup Kalaallit Nunaanni Politimestereqarfimmit toqqarneqartup peqataatinneqarnissaat communalbestyrelsip qulakkiissavaa.

§ 7. Upalungaarsimanermi pisortaq, ilinniartitaanikkut immikkut ittunik piginnaaneqarnini tunngavigalugu annaassiniarnissamut upalungaarsimasut ulluinnarni aqunneqarnerinik isumaginnitussaaq communalbestyrelsip atorfinitssavaa.

Imm. 2. Upalungaarsimanermut pisortaq piffissaq tamakkerlugu atorfeqartinneqassaaq.

Imm. 3. Taassuma saniatigut suliniuteqarnermut aqutsisut ikinnerpaamik marluk, ilinniartitaanikkut upalungaarsimanermut pisortap piginnaanerisa assinginik piginnaaneqartut, upalungaarsimanermut pisortamut ikuuuttussat communalbestyrelsip atorfinitssavai.

Imm. 4. Kommunini ataasiakkaani tamani upalungaarsimanermut pisortaq imaluunniit minnerpaamik suliniuteqarnermut aqutsisup aappaa sanaartukkat pillugit sullissinermi ikuallattoornissamut teknikkimut tunngasumik ilinniarsimasuussaaq. Taamatuttaaq kommunimi

timmisartunut suluusalinnut inuinnarnut mittarfeqarpat, upalungaarsimanermut pisortaq aamma minnerpaamik suliniuteqarnermut aqtsisoq ataaseq timmisartunut tunngatillugu suliniuteqarnermut aqtsisutut ilinniagaqarsimassaaq.

Imm. 5. Kommunit qullersaqarfiusut avataanni upalungaarsimanermi immikkoortortaqarfinni tamani suliniuteqarnermut aqtsisumik ataatsimik amerlanerusunilluunniit communalbestyrelsi atorfinitssissaaq.

Imm. 6. Annaassiniarnissamut upalungaarsimasuni sulisussat allat taamatuttaaq communalbestyrelsimit atorfinitssinneqartassapput.

§ 8. Annaassiniarnissamut upalungaarsimasuni sulisut Namminersorlutik Oqartussat aamma KANUKOKA-p akornanni isumaqatiginninniartoqareerneratigut maleruagassat aalajangersarneqartut tunngavigalugit akissarsiaqartinnejqassapput akissaasersorneqassallutilu.

§ 9. Naalakkersuisunit annaassiniarnissamut upalungaarsimasuni sulisut ilinniartitaanissaannut maleruagassanik erseqqinnerusunik aalajangersaassapput.

Suliassat

§ 10. Annaassiniarnissamut upalungaarsimasut ajutoorermik ajunaarnersuarmilluunniit pisoqartillugu, kiisalu nunami akuutissanik ulorianartunik tassanngaannartumik ajutoortoqartillugu ikuallattoornissamut, inuit, pigisat avatangiisillu ajoquusernissaannut isumannaatsumik suliniuteqarsinnaassapput. Annaassiniarnissamut upalungaarsimasut aamma qimargussat navialisullu allat tigooqqarneqarnerini, inissikkallarneqarnerini isumassorneqarnerinilu isumaginninnermi oqartussaasunut ikiuuttassapput.

Imm. 2. Annaassiniarnissamut upalungaarsimasut suliassaannut SAR-imut atatillugu suliassat aammalu peqqinnissaqarfiup qimargussineri ilaatinnejqanngillat

Imm. 3. Annaassiniarnissamut upalungaarsimasut ajutoortoqarnera imaluunniit ajunaarnersuarmik pisoqarnera pissutigalugu pisariaqalerpat kommunip allap, Statens Lufthavnsvæsen-ip (RCC), Grønlands Kommando-p (MRCC) imaluunniit politiit tamatuminnga kissaateqarnerat tunngavigalugu pisariaqartunut ikiuutissapput.

Imm. 4. Naalakkersuisut annaassiniarnissamut upalungaarsimasut suliassaannut maleruagassanik erseqqinnerusunik aalajangersaassapput.

§ 11. Kommunalbestyrelsip peqatigiiffit, suliffeqarfit, kattuffit inuinnaallu kommunip annaassiniarnissamut upalungaarsimattaasa sulinerani ikiunnissaat pillugu isumaqatigissuteqarfigisinnaavai.

§ 12. Pisortat imeqarfutaanni ukioq kaajallallugu imeqarfissamik pilersitsinermi, pisortat pisussaapput erngup aqqutissaasa inissinneqarneranni annertussusiligaanerannilu qatserinermi imermik pilersuinissamut naleqquttumik periarfissaqarnissa nakkutigissallugu, tamannalu tunngavigalugu erngup aqquaani qatserinermi imermik maqtsivissat pisariaqartunik amerlassusillit, pisortani imermik pilersuisut akiligaannik atatinneqartussat inississallugit.

Imm. 2. Imermik maqtsiviit inissisimancerannut, ilusiligaanerannut, imermik pilersuinermut, tassungalu ilanngullugu sullissiviup naqtsinerullu tикиннеqarsinnaaneranut, aqqusinernut

tikitsiviusinnaasunut taakkulu aputaajarneqartarnissaannut piumasaqaatinut, aammalu qerisoornermi, apuinermi allatulluunniit ajoqusertoqarsinnaaneranut qulakkeerinissamut kiisalu nalunaaqutsersuinissamut maleruagassat annertunerusut Naalakkersuisunit aalajangersarneqassapput.

Imm. 3. Sumiiffinni erngup aqqutaani namminerisamik pigineqartuni imermik maqitsiviit qatserinermut atortussat pisortanit pigineqartut inissisimanissaannik pisariaqartitsisoqartillugu, imaluunniit imermik maqitsiviit qatserinermut atortussat namminerisamik pilersinneqarsimasut qatserinermut nalinginnaasumut atorneqarnissaat pisariaqartinneqartillugu, imermik pilersuiviit namminerisamik pigineqartut taamaattut pisortanit nakkutigineqassasut aammalu kommunalbestyrelsip akiligaanik aserfallatsaalineqassasut kommunalbestyrelsi aalajangersinnaavoq.

Imm. 4. Sumiiffinni pisortat namminersortulluunniit ukioq kaajallallugu imermut aqqusersuutaaniit ikuallattoornermi imermik maqitsivinnit imermik pilersuiffiusinnaanngitsuni, tasiliaq atuuttuaannartussatut suliaq, taseq, kuuk imaluunniit imaani ammaannartumi milluaavissatut piareersarneqarsimasoq, qerinarnerata nalaani qatserinermi atugassatut ammatiinnarneqarsinnaasoq imermik pilersuivissatut kommunalbestyrelsip akuerisinnaavaa.

Imm. 5. Kommunalbestyrelsip naliliinera malillugu pissutsit ajornartinnippassuk, imermut tankvognit pisariaqartinneqartut qamutinut assakaasulinnut oqquisitsisarfinnut kiassakkanut inissinneqarsinnaatillugit imermik pilersuivimmik aalaakkaasumik peqarnissamut piumasaqaat atorunnaarsinneqarsinnaavoq.

Imm. 6. Imm. 4 aamma 5 naapertorlugit ikuallattoornermi imermik pilersuiviit aalaakkaasut angallattakkallu pigineqarnerinut aningasartuutit kommunimit akilerneqassapput.

Imm. 7. Imermik maqitsiviit qatserinermi atortussat imermillu pilersuiviit ukiumut minnerpaamik marloriarlutik misissorneqartassapput, aammalu pisariaqartitsineq malillugu pisinnaasai misilinneqartassallutik. Namminersortut imermik pilersuiffiutaannik pisortanit nakkutigineqartussanik misissuinissaq pisariaqartillugu, kommunip nakkutiliisui naleqquttumik kinaassutsimik upernarsaammik takutitsillutik aammalu eqqartuussivimmit aalajangiinertaqanngitsumik illuutinut imaluunniit pigisanut isersinnaatitaapput, takuuk imm. 3.

Kapitali 4

Annaassiniarnissamut upalungaarsimasut ornigutsinnejartarneri

§ 13. Ajutoornermik ajunaarnersuarmillu pisoqartillugu ataatsimoortumik suliniarnissaq politimesterimit ataqtigiissaarneqassaaq.

Imm. 2. Naalakkersuisut suliniuteqarnermi teknikkimut tunngatillugu aqtsisoqarneq pillugu maleruagassanik erseqqinnerusunik aalajangersaassapput.

§ 14. Annaassiniarnissamut upalungaarsimasut sulinerannut atatillugu ilimasaarineq, assiaqusersuineq, qimargussineq aamma iliuusissat pisariaqartut allat, politiit aalajangiinerat malillugu pissapput.

§ 15. Annaassiniarnissamut upalungaarsimasut sulinerminni sakkut assartuutilu inuinnarnit pigineqartut qanorluunniit atornissaannik, kiisalu sulinermi ikuuttussanik pisariaqartinneqartunik atugassinneqarnissaminnik piumasaqarsinnaapput.

Imm. 2. Sakkunik assartuutinillu imm. 1 naapertorlugu atugassiisoq, atortunik ujariatsinerminut aammalu suliniuteqarnermut atatillugu atortut ajoquersimappata kommunimit taarsiiffigineqarnissamik pisinnaatitaavoq. Ajoqusertumut tunngatillugu atugassinneqarnissamik piumasaqartoq kinaassusersiunngitsumik akisussaaffeqarpoq.

§ 16. Annaassiniarnissamut upalungaarsimasut eqqartuussivimmit aalajangiinertaqanngitsumik qanorluunniit ittunik suliaqarnerminnut atatillugu sumiiffinnut namminerisamik pigineqartunut pisariaqartitsineq naapertorlugu isersinnaapput, pisariaqarpat akornutinik uppitsisisinnaallutik piiaasinjaallutillu.

Imm. 2. Upalungaarsimasut pisortaata suliniuteqarnermiluunniit aqtsisup ajoqusiinerit siaruariartornerinik unitsitsiniarluni pisariaqartutut isumaqarfipaggua, annaassiniarnissamut upalungaarsimasut illunik isaterinissamut imaluunniit akornutinik piiaanissamut pisinnaatitaapput.

Imm. 3. Ajoqusikkat qatserinermi annaassiniarnissamut upalungaarsimasut pisuussutigisai ikuallattoornermi ajoqusiinertut isigineqassapput.

Imm.4. Illoqarfiit nunaqarfiiyu killeqarfiiisa avataanni pinngortitami ikuallattumik qatserinermi, akisussaaffik allanut tutsinneqarsinnaanngippat suliniuteqarneq kommunimit akilerneqassaaq.

§ 17. Annaassiniarnissamut upalungaarsimasut suliniuteqarnerminni imermik imiisivinniittumik, erngup aqquaaniittuumik imermillu pilersuiffinni allaniittumik atuinissamut pisinnaatitaapput.

§ 18. Annaassiniarnissamut upalungaarsimasut suliniuteqarnermik nalaani ajutoornermut ajutoornersuarmulluunniit suna pissutaasimasinnaanersoq eqqumaffigissavaat. Annaassiniarnissamut upalungaarsimasut pasinarsinnaasunik nassaarunik erngerlutik politiit nalunaarfipgissavaat, uppernarsaatissallu sapinngisamik isumannaarneqassallutik. Uppernarsaatissanik isumannaarineq periarfissaqarpat politiit isumaqatigalugit pissaaq.

§ 19. Ikuallattoornermik kalerrisaarutit inatsisitigut pisussaaffiusut aallartinnerini annaassiniarnissamut upalungaarsimasut tunngavissaqanngitsumik orniguppata, akitsutinik ornigunnermut atatillugu aningaasartuutinut matussutissanik kalerrisaarutinik piginnittooq akiliisinneqassanersoq communalbestyrelsip aalajangersinnaavaa.

Kapitali 5

Upalungaarsimanissamut pilersaarusiortarneq il.il.

§ 20. Naalakkersuisuni ilaasortat ataasiakkaat tamarmik immikkut ajutoortoqartillugu ajunaarnersuaqartillugulu suliassaqarfimmik iluanniuiqaqtigiinni atuuffiit attatiinnarnissaat ingerlaqqinnissaallu pilersaarusiussavaat.

Imm. 2. Suliassaqarfiiit imm. 1-imu taaneqartut iluanni upalungaarsimanissamut pilersaarusiorneq Naalakkersuisut ataqtigiiissaassavaat. Pilersaarusiorteremi oqartussaasut allat pisussaaffiginnisaat Naalakkersuisunit pilersaarusiorneqassapput. Suliassaqarfinnut upalungaarsimanermut pilersaarutit ataatsimut aaqqissuunneqarnerini Upalungaarsimanissamut ataatsimiititaliaq suleqataassaaq aammalu Kalaallit Nunaannut upalungaarsimanermut pilersaarut suliarissallugu. Upalungaarsimanermut

pilersaarut ineriertornermi pisariaqartitsineq tunngavigalugu iluarsanneqartassaaq, taamaattorli sivikinnerpaamik ukiut sisamakkaarlugit tamanna pisassalluni. Upalungaarsimanermut pilersaarutit ataasiakkat ineriertornerup tamanna pisariaqartileraangagu iluarsanneqartassapput.

§ 21. Kommunalbestyrelsip kommunimi upalungaarsimanermut pilersaarut sularissavaa. Kommunit upalungaarsimanermut pilersaarutaat upalungaarsimanissamut ataatsimiititaliamut tusarniaassutigalugit nassiunneqassapput.

Imm. 2. Pilersaarut ineriertornermi pisariaqartitsineq tunngavigalugu iluarsanneqartassaaq, taamaattorli kommunimi qinigaaffimmi ataatsimi minnerpaamik ataasiarluni tamanna pisassalluni.

Imm. 3. Pilersaarutit taakkulu iluarsanneri Naalakkersuisunut akuerisassanngorlugit nassiunneqartassapput.

Imm. 4. Kommunimi upalungaarsimanermut pilersaarutit sularineqarnissaannut maleruagassat ilitsersuutaasut Naalakkersuisunit aalajangersarneqassapput.

Kapitali 6

Iluusissat pinaveersaartitsissutaasussat

§ 22. Ikuallattoornissamut qaartoornissamullu pinaveersaartitsinermi Naalakkersuisut maleruagassanik aalajangersaasassapput,

- 1) suliffeqarfii, illuutit inuit amerlasuut katersuuffigisartagaasa, illuutit ikuallajasut aammalu toqqorsiviit akuutissanik ikuallajasunik imaluunniit qaartiterutissanik kinertunik, imerpalaasunik silaannartulluunniit ittunik aammalu akuutissanik allanik ikuallattoornermut allatulluunniit ajoqusiinermut atatillugu inumnut, illunut avatangiisinullu ulorianartorsiortitsisinnaasunik toqqorsiviusut atuiffiusut sanaffiusulluunniit inissiffissaannut, ilusilersugaanissaannut atorneqarnissaannullu tunngasunik, aamma
- 2) akuutissat ikuallajasut imaluunniit qaartiterutissat qaartuujasut, kinertut, imerpalaasut silaannartulluunniit ittut inissismaffissaannut, tunniunneqartarnerinut, assartorneqartarnerinut tunngasunik.

Imm. 2. Aammattaaq Naalakkersuisut maleruagassanik aalajangersaassapput

- 1) innermik qaammaqqtinillu atuinermut tunngasunik, aamma
- 2) iliuusisanut ikuallattoorsinnaanermik pinaveersaartitsinermi annikillisaanermiluunniit pisariaqartinneqartunut, aammalu ikuallattoqartillugu isumannaatsumik annaassiniarsinnaanermik qatserisinnaanermillu qulakteerissutaasussanut tunngasunik.

§ 23. Qaartiterutissanik imaluunniit akuutissanik qaartuujasunik eqquassinissamut, annissinissamut, toqqortaqparnissamut, tunisinissamut, tunniussinissamut, atuinissamut imaluunniit sananissamut ingerlatsisinnaatitsissuteqarnikkut Naalakkersuisut inummut imaluunniit pisinnaatitaasumut pisussaatitaasumullu ataatsimut amerlanerusunulluunniit kisermaassisussaatitaaffilimmik akuersissuteqarsinnaapput.

Imm. 2. Imm. 1 naapertorlugu kisermaassisussaatitaaffilimmik akuersissuteqarnermut atatillugu Naalakkersuisut atugassarititaasussanik aalajangersaasinnaapput.

§ 24. Qaartiterutissat pillugit maleruagassanik inatsit manna naapertorlugu

aalajangersarneqarsimasunik unioqqutitsisorineqartumi, Naalakkersuisut naleqquttumik kinaassutsimut uppernarsaammik takutitsillutik aammalu eqqartuussivimmit aalajangiinertaqanngitsumik, tamanna pisariaqartutut nalilerneqarpat misissuisinnaatitaapput. Misissuinermi piginnittooq tassanilu sulisrineqartut Naalakkersuisunut pisariaqartinneqartumik ilitsersuissapput ikuutissallutillu. Taamaattorli misissuineq imm. 1-imi taaneqartoq inini namminerisamik ineqarfittut imaluunniit sunngiffimmi ineqarfittut atorneqartuni ingerlanneqarsinnaanngilaq.

§ 25. Qaartiterutissanik pisinissamut atuinissamullu akuersissutit suliarineqarnerinut nutarterneqarnerinullu, qaartiterinermi pisortanut akuersissutit suliarineqarnerinut nutarterneqarnerinullu, kiisalu qaartartuusiviit akuerineqarnerinut atatillugu Naalakkersuisut akitsuusiisarput. Akitsuut Inatsisartut Aningaasanut Inatsisaannut oqaasertaliussamik ilangussinikkut aalajangerneqartapoq.

§ 26. Qaartiterutissanut tunngatillugu oqartussaasutut nakkutiliinermullu suliassanik isumaginninnerup kommuninut tunniunneqarnissaanut Naalakkersuisut piginnaatinneqarput.

§ 27. Suliffeqarfinnik imerpalaunik, silaannartut ittunik akuutissanillu qaartuujasunik, ikummajasunik imaluunniit immikkut ittumik ikuallajasunik sanaffiusunik, suliaqarfiusunik atuiffiusunilluunniit pilersitsisoqassappat, communalbestyrelsip tamatumunnga akuersissuteqarnissaa pisariaqarpoq. Tamannattaaq suliffeqarfinni taamaattuni allanngortiterinernut, allilinernut imaluunniit ingerlatsinermi allanguinernut annertuunut atuuppoq. Suliffeqarfiiq qatserinermut annaassiniarnermullu atortunik peqarnissamik aammalu imermik pilersuiffimmik pissarsinissamik peqquneqarsinnaapput.

Imm. 2. Illut taakkulu inisisimaffii ikuallattoornissamut ulorianartoqarnera sapinngisamik annikinnerpaamiitilerlugu aammalu annaassiniarsinnaanerit qatserisinnaanerillu sapinngisamik isumannaannerpaamiitilerlugit ilusilersorneqassasut atorneqassasullu communalbestyrelsip aalajangersinnaavoq.

§ 28. § 22, imm. 2, nr. 2-mi allassimasut naapertorlugit ikuallattoornissaq pillugu qanoq annertutigisumik iliuuseqarnissamut maleruagassiortoqassanersoq communalbestyrelsip aalajangersinnaavaa.

Imm. 2. Kommunalbestyrelsip ukiumut minnerpaamik ataasiarluni aalajangertassavaa, illuni il.il. imm. 1-imi pineqartunut ilaasuni ikuallattoornermut qimargussinermullu sungiusarnernik ingerlatsisoqassanersoq.

Imm. 3. Illunut nunaminertanullu toqqavigineqartunut tunngatillugu communalbestyrelsip aalajangiisinnavoq,

- 1) immikkut ikuallattoornissamut ulorianateqarfiusunut tunngatillugu.
- 2) inuit amerlasuut katersuuttarfiinut tunngatillugu, imaluunniit
- 3) annertuumik nalillit aserorneqarnissamut ulorianartorsiorfigisinnaasaannut tunngatillugu, ikuallattoornissamut ulorianartorsiorneq pinaveersaartinniarlugu annikillisinniarluguluunniit ingerlatsinikkut iliuusissanik aalajangiisoqassatillugu, aammalu ikuallattoqarnerani isumannaatsumik annaassiniarsinnaaneq qatserisinnaanerlu qulakkeerniarlugu, tassungalu ikuallattoornermi kalerrisaarutinik qatserutinillu namminneerlutik aallartartunik ikkussuisarneq ilaatinneqarpoq.

Imm. 4. Ininik katersuuttarfinnik, tupernik atuisoqartillugu imaluunniit saqqummersitsinernik,

festivalinik, isiginnaartitsinernik aaqqissuussinernillu assingusunik ingerlatsisoqartillugu ikuallattoornissamut nakkutilliisoqartitsisoqassanersoq kommunalbestyrelsip aalajangersinnaavaa, ilanngullugit silami aaqqissuussinerit. Aammattaaq ikuallattoornissamut nakkutilliisoqarnermut atatillugu kommunip aningaasartuutaannut matussutissanik akitsuutinik aaqqissuussisoq akiliisinneqassanersoq kommunalbestyrelsip aalajangersinnaavaa.

§ 29. Kommunalbestyrelsi suliffeqarfinni ikuallattoornissamut ulorianaatilinni, illuni eqqisisimatitani, illuni inuit amerlasuut katersuuttarfiini aammalu illuni toqqorsivinnilu ikuallattoornissamut ulorianaatilinni ikuallattoorsinnaanermik misissuisassaaq.

Imm. 2. Imm. 1 naapertorlugu ikuallattoornissamut misissuisarnernut maleruagassanik erseqqinnerusunik Naalakkersuisut aalajangersaassapput, tassungalu ilaallutik amigaataasinnaasunut iluarsiinissamut communalbestyrelsimit peqqusissuteqartaneq.

Imm. 3. Imm. 1 naapertorlugu ikuallattoorsinnaanermut misissuineq piffissap qanorluunniit ilinerani pisariaqartutut nalilerneqarpat, naleqquttumik kinaassutsimut upernarsaammik takutitsinikkut aamma eqqartuussivimmit aalajangiinertaqanngitsumik illummi ingerlanneqarsinnaavoq.

§ 30. Kommunalbestyrelsip sumi aamma qanga ikuallattoorsinnaanermik misissuinermik ingerlatsisimaneranik aamma tamatumunnga atatillugu peqqusissutinik tunniussisimaneranut paasissutissanik kommunalbestyrelsip tamanut ammasumik saqqummiussisarnissaa pillugu Naalakkersuisut maleruagassiorsinnaapput.

§ 31. Illuni imaluunniit inini ikumatitsivinnik pisatalersukkanik piginnittut imaluunniit atuisut ikumatitsiviit taakkualu pujuisa aqqutaasa saligaatsuutinnissaat pisussaaffigaat.

Imm. 2. Pujoorfiit, ikumatitsiviit, pujumik aniatitsiviit aamma pujumut aqqutit aserfallatsaalionissaannut piginnittoq akisussaasuovoq. Atuisoq pisussaavoq amigaateqartoq paasiniariaruniuk erngerluni piginnittumut, annaassiniarnissamut upalungaarsimanermut pisortamut taassumaluunniit taartaanut kalerriutigissallugu.

§ 32. Paaviaasarnermut pujoorfinnillu saliisarnermut, paaviaasut ilinniartitaanerannut aamma paaviaasut pisussaaffiinut maleruagassanik Naalakkersuisut aalajangersaassapput.

Imm. 2. Pisussaaffiliussat malillugit paaviaasoqartarnissaa aamma pujoorfinnik saliisarnissaq kommunalbestyrelsimit nakkutigineqassaaq.

Imm. 3. Paaviaasarnerit inunnit communalbestyrelsimit akuerisaasunit aammalu paaviaasutut pikkorissartitsinernik akuerisanik naammassinnissimasunit suliarineqartassapput.

Imm. 4. Paaviaasut inatsisitigut pisussaaffiusumik paaviaanissaq aamma pujoorfinnik saliinissaq siunertalarugu illunut imaluunniit pigisanut sunulluunniit politiit peqataatillugit isersinnaapput.

Imm. 5. Paaviaaneq aamma pujoorfinnik salineq piginnittup akiligassaanik ingerlanneqassaaq.

Kapitali 7

Pisussaaffiit nalinginnaasut.

§ 33. Ikuallattoqarneranik, inunnik pigisanillu ajoqusertoqarneranik imaluunniit ajutoornernik ajunaarnersuarnillu inunnut imaluunniit pigisanut annertuumik ulorianartorsiortitsisunik malugisaqartup erngerluni ulorianartorsiortut kalerrissavai, kiisalu annaassiniarnissamut upalungaarsimasut imaluunniit politiit kalerrissallugit.

§ 34. Ikuallattoqarnerani kikkulluunniit sabinngisaminnik ikorsiisussaapput.

Imm. 2. Ikuallattoqarnerani najuuttoq annaassiniarnissamut upalungaarsimasut peqqusissuteqarneratigut annaassiniarnermut qatserinermullu suleqataasussaavoq.

Imm. 3. Imm. 1 aamma 2 naapertorlugit annaassiniarnermut qatserinermullu suleqataasoq sulinerminut atatillugu annaasaminut upernarsarneqarsinnaasunut kommunimiit taarsiiffingineqarsinnaatitaavoq.

§ 35. Kikkulluunniit annaassiniarnissamut upalungaarsimasunit peqqussutigineqartunik malinnittussaapput.

Imm. 2. Kikkulluunniit annaassiniarnernut atatillugu assiaqutsersuutit naalattussaavaat, aammalu politiit annaassiniarnissamullu upalungaarsimasut peqqusinerisigut sumiiffik assiaqusigaq tassungaluunniit aqqusernit qimattussaallugit.

Imm. 3. Kikkulluunniit qimarngussisoqarnissaanik naalakkiisoqarnerani piffissaliussap iluani sumiiffik najugartik qimattussaavaat, aammalu katersuuffissatut inissiiffissatulluunniit toqqarneqartumut aqqusernit innersunneqartut aqqutigalugit ingerlasussaallutik.

§ 36. Kinaluunniit annaassiniarnissamut upalungaarsimasunit peqquneqartilluni inissiamik najukkaminik ininlluunniit allanik qimarngunneqartunut navialisunulluunniit allanut atugassiisussaavoq, sabinngisanilu naapertorlugu nerisaqartitsisussaalluni.

Imm. 2. Tamatumunnga ajunngitsorsiararinneqartussat Naalakkersuisunit aalajangersarneqassapput.

Kapitali 8

Pineqaatissiisarnermut aalajangersakkat

§ 37. § 31-mik, § 33-imik aamma § 34, imm. 1-mik unioqqutitsisoq akiliisussanngortinneqarsinnaavoq.

Imm. 2. Taamatuttaaq § 15, imm. 1, § 23, imm. 2, § 24, § 27, § 28, § 29, imm. 2, § 34, imm. 2, § 35 aamma § 36, imm. 1 naapertorlugit peqqusissummik inerteqqummilluunniit naammassinninngitsoq akiliisussanngortinneqarsinnaavoq.

Imm. 3. Kommunalbestyrelsi akuersiteeqaarnagu suliffeqarfip ingerlaneqarnerani § 27, imm. 1-imut akerliusumik allanngortiterinernik, alliliinernik ingerlatsinermilluunniit allanguinernik annertuunik pilersitsisoq suliaqartorluunniit akiliisussanngortinneqarsinnaavoq.

§ 38. Taamatuttaaq akiliisitaanermik pineqaatissinneqarsinnaapput

1) kinaluunniit innermik, naneruutinik, ikitsisinik, arsakunik, akoorutissanik ikuallattoornissamut navianartunik, aammalu ikuallattoorutaasinnaasunik ikuallassaasinnaasunilluunniit naleqquttumik mianersuussinngitsoq, imaluunniit inuit inoqutiminnut ilaasut imaluunniit sullivimminnut atasut

taamatut mianersuussinissaannik isumaginninngitsoq, aamma

2) kinaluunniit sanaartukkanik innaallagiamoortunik imaluunniit qaammaqquteqarfinnik, kiassaateqarfinnik, nukissiuuteqarfinnik maskiinaqarfinnilluunniit ikuallattoorutaasinnaasunik imaluunnit ikuallassaasinnaasunik piginnittooq atuisorluunniit, sanaartukkat taamaattut isumannaatsumik pitsaassuseqanngikkaluartut atorpagit atortippagilluunniit.

§ 39. Inatsisartut inatsisaanni imaluunniit peqqussutini Inatsisartut inatsisaat naapertorlugu aalajangersagaasuni akiliisussanngortitsinissaq tunngavissaqartillugu, akiliisussanngortitsineq Kalaallit Nunaanni pinerluttulerinermut inatsimmi maleruagassat malillugit pisussaatitaasoq pisinnaatitaasorlu akiliisussanngortinneqarsinnaavoq.

§ 40. Naalakkersuisut inatsit manna naapertorlugu peqqussussiornikkut, maleruagassani aalajangersakkanik unioqqutitsinermi imaluunniit taakkunani peqqussutinik inerteqqtinilluunniit naammassinninnginnermi akiligassiinikkut pineqaatissiissutaasussanik aalajangersaasinnaapput.

Kapitali 9

Atulersitsinermut ikaarsaarnermullu aalajangersakkat

§ 41. Inatsit 1. juli 2010-mi atuutilerpoq, tamatumunngalu peqatigitillugu ikuallannaveersaartitsineq qatserinerlu pillugit Inatsisartut peqqussutaat nr. 6, 30. oktober 1992-imeersoq atorunnaarsinneqarpoq.

Imm. 2. Nalunaarutit kaajallaasitallu il.il. ikuallannaveersaartitsineq qatserinerlu pillugit Inatsisartut peqqussutaat nr. 6, 30. oktober 1992-imeersoq tunngavigalugu suliarineqarsimasut Inatsisartut inatsisaanni matumani aalajangersakkat naapertorlugit allanngortinneqarnissamik atorunnaarsinneqarnissamilluunniit tungaanut atuutissapput.

Imm. 3. Nalunaarutit il.il. ikuallattoornissamut inatsit nr. 513, 21. december 1979-imeersoq tunngavigalugu suliarineqarsimasut atorunnaarsinneqarnissamilluunniit tungaanut atuutissapput.

§ 42. Inatsit manna Kalaallit Nunaanni pisuussutinik uumaatsunik, ilanngullugit aatsitassat, misissueqqaarnermut, misissuinermut piiaanermullu atuutinngilaq, taakkunani upalungaarsimanissamut tunngatillugu suliassaqarfimmuit akisussaaffik, aatsitassat pillugit ingerlatallu tamatumunnga pingaarutillit pillugit Inatsisartut inatsisaanni nr. 7, 7. december 2009-imeersumi maleruagassaqarmat.

Namminersorlutik Oqartussat, ulloq 26. maj 2010

Kuupik Kleist

